

სოციალ კვირეული საზოგადო-მაკონო-
მიური და სალიტერატურო ჟურნალი

წელიწადი მემორე



მისამართი: თბილისი, გაბაევსკი პერ. № 3 რედაქცია „კლდე“. დეპეშისა: თბილისი კლდე.

- | | |
|--|---|
| 1. მარტივი საშუალება. — ა—ისა. | 10. ზატარა ფელეტონი. — გორელისა. |
| 2. მამაშვიდური რჩევა. — ნ. ნიკოლაძისა. | 11. ზასტერის ისტორი-
ტუტის უბილი. — მედიკისა. |
| 3. ილია ჭავჭავაძის
ქეგლი. — . . . ახალმოსულისა. | 12. სრ. რუსეთის მე-
ურნეთა კრება ქ. კი-
ევი. — . . . გ. ნამორაძისა. |
| 4. ზრესა. | 13. გახსენებუდი. — . მაგმაძისა. |
| 5. ქურთის ნატურა. დეკ-
სი — . . . მაგმაძისა. | 14. მაცვიარი. — . დ. ამიერისა. |
| 6. ბეგო. მოთხ. — დ. კასრაძისა. | 15. შეცდომა თუ ზღა-
გიატი? — . . . ნარგაზისა. |
| 7. ზურის მოსაყადი. — სოფლის მეურნესი. | 16. ნარკვი. |
| 8. უკანასკნელი ამბები. | |
| 9. საქართველოს ასა-
დი მიკრობი. — . . . ნარისა. | |

ს ა რ ჩ ე ვ ი:

მარტივი საშუალება

ჩვენი მიწათმფლობელობა განსაცდელშია. დღე არ გაივლის, რომ ქართველის მამული უცხოთა ხელში არ გადავიდეს. გაზეთები ჩხოლოდ მსხვილ მამულების შესახებ ლაპარაკობენ, ისეთებზედ, როგორც არიან ამას წინად გაყიდული მამულები თავ. ამილახვრებისა გორის მაზრაში და კახელისა ბორჩალოში. მაგრამ გაზეთები არაფერს მოგვითხრობენ იმ წვრილ ოპერაციებზედ, რომლებიც დღითი დღე ხდება ჩვენი ქვეყნის სხვა და სხვა ადგილებში. იყიდება არა მარტო დიდი მამულები,

არამედ პატარა მამულებიცა. მაშასადამე მამულების პარტიობით ვაჭრობა მთელ საქართველოში სწარმოებს. ცხადია, ასეთი საქციელი ქართველ მემამულეა თავისთავად ანტიპატრიოტული საქმეა. მაგრამ ჩვენ სიმართლეს უღალატებდით, თუ სხვა მიზეზთა შორის, იმ მიზეზზედაც არ მიუთითებთ, რომელიც ამასთანავე უმთავრეს მიზეზადაც მიგვაჩნია ამ არა სასურველი და დამღუპველი მოვლენისა. მთავარი მიზეზი ამისა ჩვენი მამულების შემოუსაფლიანობა და დავალიანებაა. უკანასკნელი ნაჭერის გადასარჩენად მემამულე ხშირად იძულებულია სხვა დანარჩენი მამული გაჰყიდოს.

მიწათმფლობელობის სურათი ჩვენში ორნაირია. ერთი სავესებით შეეხება დასავლეთ საქართვე-

ლოს, მეორე აღმოსავლეთს. ქუთაისის გუბერნიაში მიწათმფლობელობის პარცელიაცია არსებობს და პარცელიაცია საუკეთესო სისტემაა მამულის შენარჩუნებისა. ჯერ კიდევ რეფორმების შემოღებამდე იქაურმა გლეხობამ მრავალი მიწა შეისყიდა. წვრილს მიწათმფლობელობას თან მოჰყვა კულტურის ინტენსიობა და მაშასადამე შემოსავალიც. დასავლეთ საქართველოს მამულებს ისეთი ფასი და შემოსავალი აქვთ, რომ იგი მძიმე იპოთეკასაც ჯერ-ჯერობით ადვილად იტანს. ექვი არ არის მამულები იქაც იყიდება, მაგრამ ეს აიხსნება ალებ-მიცემობის უნივერსალურ კანონით, და რაკი დასავლეთ საქართველოში უცხო ელემენტს ადგილი არა აქვს, მამულების გაყიდვა არავითარ ეროვნულ საფრთხეს არ იწვევს, იგი ისევ ადგილობრივ მკვიდრის ხელში გადადის.

სულ სხვა სურათს წარმოადგენს აღმოსავლეთი საქართველო, აქ გამეფებულია მსხვილი მიწათმფლობელობა. მემამულე ხშირად ვერ ახერხებს მიწის მოვლას, რადგანაც მისი მფლობელობა ვრცელია. შემოსავალი ყველგან ერთნაირი არ არის და არსებობს მთელი ზონები, სადაც დიდი ლატიფუნდიებიც კი არას იძლევიან. მაგალითად მაჩაბლების, ერისთვიანთი და ამილახვრიანთ ვრცელი მამულები, რომლებიც მთებში იმყოფება, შემოუსავლიანია, ვალი კი დიდი აქვთ ზედა. სახელმწიფო გადასახადი, საერობო ბეგარა, ბანკის ვალები ეს მარტო ხარჯია, გასავალი, რომელსაც ვერავითარი შემოსავალი ვერ გაისტუმრებს. ამას თან სდევს ის, რაც ასე ახასიათებს ყოველ მსხვილ მიწადმფლობელობას — უქონლობა ინტენსიურ კულტურისა. ფაქტია, რომ ქართლის ათი დესეტინა იმდენად ღირს, რაც ერთი იმერული დესეტინა. ქართლში მემამულეც და გლეხიც ვაცილებით მეტსა ჰფლობს — ვიდრე იმერეთში, მაგრამ ბიუჯეტი უკანასკნელისა ხშირად ვაცილებით ღონიერია. ასეთი განსხვავება მიწათმფლობელობისა განსხვავებულ შედეგსაც იწვევს და ამით აიხსნება, რომ ქართლის მამულები იყიდება. მაგრამ რამდენადაც მამულების გაყიდვა, ესე იგი ერთი მფლობელიდგან მეორის ხელში გადასვლა იმერეთში არავითარ ზარალს არ იწვევს, იმდენად საზარალოა ქართლში, რადგანაც აქ მყიდველი უცხო ელემენტია. ხდება ის, რომ სრულიად ბუნებრივი ეკონომიური მიზეზები ტერიტორიალურ კრიზისს იწვევენ.

ცხადია, რომ ქართლში დიდი ეკონომიური ბოროტება ხდება და ქართველობა ყოველის საშუ-

ალებით უნდა ებრძოდოს ამ მოვლენას. მაგრამ რითი? ჩვენის აზრით ამ საკითხის გადაწყვეტა ფრიად რთულია და უნდა ვერიდოთ ზერელე ზონების წამოყენებას. ჩვენში ხშირად იციან სხვა და სხვა ფონდებზედ ლაპარაკი და სრულებით გვაიწყდება, რომ ისეთ ღარიბ ქვეყანაში, როგორც საქართველოა, ფონდებზედ და მეტადრე ისეთ ფონდებზედ ლაპარაკი, სადაც მილიონებია საქირო, მარტო კეთილი სიტყვაა. უნდა ერთხელ და სამუდამოდ გამოვეთხოვოთ იმ აზრს, რომ ჩვენს უსახსრობაში, როცა საქართველოში არავითარი კაპიტალი, და მეტადრე თავისუფალი, არ არსებობს მიწის ფონდზედ ლაპარაკი შეუძლებელია. მაგრამ ჩვენ გვაქვს ერთი საშუალება, რომელიც, მართალია, მიწის ფონდის დაარსებაზედ არა ნაკლებ ძნელია, მაგრამ, რომელსაც სიადვილეც თან ახლავს, რადგან იგი სავსებით ჩვენს ხელშია. ჩვენის აზრით ჩვენი ხსნა იმ განსხვავებაშია, რომელსაც წარმოადგენს აღმოსავლეთ და დასავლეთ საქართველოს მიწათმფლობელობა. უნდა მოეწყოს იმერელ უმიწაწყლო გლეხის ქართლში გადმოსახლება. ამ საშუალებით ჩვენ ვიხსნით არამც თუ მარტო ქართლსა, არამედ თვით იმერეთსაც. საქმე ის არის, რომ არვინ არ ფიქრობს რა საფრთხე მოეღოს თვით იმერეთს, იმის გამო რომ იქ მიწის ღირებულობამ დაუჯერებელ ფასებამდე მიაღწია. ეს გამოწვეულია მიწის სივიწროვით და ხალხის სიმრავლით და ამ გარემოებამ ერთ მშვენიერ დღეს შეიძლება საშინელ კრიზისამდე მიიყვანოს იმერეთი. რაციონალური ეკონომიური სისტემა მოითხოვს მამულის შემოსავალსა და მის გასაყიდ ღირებულობის შორის ერთგვარი ჰარმონია არსებობდეს. იმერეთის მიწათმფლობელობას კი სწორედ ეს აკლია. გასაყიდი ფასი იქაურ მამულისა არავითარ დამოკიდებულებაში არ არის მის შემოსავალთან. რაქაში დესეტინა მიწა ასი და ორასი თუმანი ღირს და ნამდვილად კი განა რა შემოსავალი აქვს რაქის გლეხს? ყველამ ვიცით, რომ მიუხედავად მათის გამრჯელობისა — ნაქერალაზედ ღირებულებს ვერ მოვიყვანთ. მიწის ფასის ასეთი სიდიდე კი გადასახადების სისტემაზედ მოქმედობს და შორს არ არის ის დრო, როცა დასავლეთ საქართველოს მიწათმფლობელობაც ამ გადასახადების მსხვერპლი გახდება.

პირდაპირ განსაცვიფრებელია ის უნარი, რომლითაც დასავლეთ საქართველოს მკვიდრი მამულს იძენს. იგი სტოვებს დროებით თავის სამშობლოს, მიდის სამუშაოდ უცხო ხალხში და ქვეყანაში,

იტანს შიმშილსა და წყურვილს, მაგრამ კაპეიკს კაპეიკზედ ადებს და ფულს აგროვებს, რომ ამ ფულთ მიწა შეიძინოს. აი დამახასიათებელი თვისება ჩვენის გლეხისა, რომელსაც „პროლეტარული მიდრეკილებანი“ სრულებით არ ეტყობა. ეს თვისება ფრიად საქებურია. და ისინიც, როგორც „მიწის მგლები“ ისე დასუნსულებენ და ეძებენ მიწებს მთელ ქუთაისის გუბერნიაში. მაგრამ ჩვენ უნდა აღვნიშნოთ, რომ სწორედ ესენი არიან, რომ ხელოვნურად სწევენ მიწის ფასებს დასავლეთ საქართველოში და ეს იმ დროს, როცა აქ აღმოსავლეთ საქართველოში მიწა გაცილებით იაფია და შედარებით მეტიც. ჩვენ უნდა აუხსნათ ამ გლეხს და დავარწმუნოთ კიდევ იმ კომბინაციის სარგებლობაში, რომ ორას თუმნათ, რომლითაც რაქაში მხოლოდ ერთსა ან ორ დესეტინას ყიდულობს, ქართლში ოცსა და ოცდაათ დესეტინას შეიძენს და ეს მიწები თუ უკეთესი არა უვარგისნი არ იქმნებიან. ეს იქმნება მშვენიერი საშუალება, ერთის მხრივ იმის წინააღმდეგ, რომ დასავლეთ საქართველოში ისე აღარ იზრდებოდნენ ფასები მიწებზედ, რაც ჩვენ მავნებლად მიგვაჩნია, როგორც ზევით აღვნიშნეთ, და მეორეს მხრივ ჩვენ გვეყოლებოდა ამ გლეხების სახით მზა კონტიგენტი, კანონიერი მიძღვნილი იმ რეგალიებისა, რომელსაც ასე სასწრაფოდ იშორებს ფაფიდან ჩვენი ბრწინვალე წოდება.

ჩვენ რომ დასავლეთ საქართველოს უმიწაწყლო გლეხს ამ კომბინაციის სარგებლობა შევავანებინოთ და საზოგადოთ ასეთ აგრარულ პოლიტიკას დავადექით, მას სხვა შედეგიც ექმნება, ჩვენი მძიმე მდგომარეობა იმით არის შექმნილი, რომ აღმოსავლეთ საქართველოში ქართველობას მალე უცხო ელემენტი გადააქარბებს. ეს უცხო ელემენტი ჩვენში აკრესიული ელემენტია, რომელთანაც სასტიკი ბრძოლა გვიხდება და ამ ბრძოლაში ეროვნულ ძალების რაციონალურ განაწილებას უპირატესი მნიშვნელობა აქვს. ჩვენ უნდა მოვიქმედოთ უბრალო არითმეტიკული ოპერაცია-გამოკლებისა იქ, სადაც ბევრნი ვართ და გამრავლებისა იქ—სადაც ცოტანი

ა - ი.

მამაშვილური რჩევა

(წერილი „ჩნობის ფურცელის“ რედაქტორთან *)

— „მამებო, მოკვდიოთ?“ გაჰკვივის თქვენს გახეთში (№ 2735) ბ. სიტყვა, მაგრამ თან ისეთ საზიზღარ სურათს გვიხატავს ამ მამებისას და მათი სიტყვების საქმესთან უთანხმოებისას, რომ გაუგებარია—რად სწყინს მათი სიკვდილი, ან რად სურს მათი საფლავიღამ ადგომა? ზოგი მკითხველის აზრით, იმ „პატრიოტების მამების, ჩვენებური ძველი მოღვაწეების“ შუა, რომელთაც ბ. სიტყვა ხატავს, მეც უნდა ვიგულისხმებოდე, თურმე. ასე თუა, ნება უნდა მიბოძოთ მოვახსენოთ რამდენად სიპართლეს მოკლებულია ბ. სიტყვასაკან დახატული სურათი. ისეთი დრო დადგა დღეს, როცა კაცს საკუთარი მოქმედების, ან უმოქმედობის პასუხისგებაც ჰყოფნის. ვინც დღეს ვისიმე სურათის ხატავს ჩემობს, ის ვალდებულია ხელოვნების უმთავრესს კანონს არ უღალატოს: ნამდვილთან სისწორეს. კარრიკატურას როგორც ლათაიას და ასკინკილას - ადგილი როდი უნდა ჰქონდეს ამ „განკითხვის დღეს“, მით უფრო ისეთ საქმეში, სადა კარრიკატურა ცილისწამებაც გამოდის.

ბ. სიტყვა „ჩვენებურ ძველ მოღვაწეებს“ აბრალებს „არამც თუ არაფერს ამბობენ და გაჩუმებულან მკვდრებივით, მალავენ და მარხვენ იმას, რაც უთქვამთ და გაუკეთებიათ წინაღო.“ გესმისთ ეს

*) ეს წერილი მოგვივიდა ბ-ნ ნ. ნიკოლაძისგან და თუმცა, როგორც თვითონ ჰატივცემული ავტორიც გვეუბნება კერძო წერილში — „ამ კხლანდელ დროისთვის, ამ ხანის მდგომარეობისთვის მას არავითარი მნიშვნელობა არ ექნება: კხლა ჩვენს ერს სულ სხვა სექტე, საჭიროება და მოქმედება უდევს წინ: ეფუკლასხალ მდგომარეობას ახალი ტაქტიკა შეეფერება“, — მაინც ვბუკლავთ, როგორც ძვირფასის ისტორიულ მასლას. „იგი ახვეჩებს მამავალ გამომძიველს ჩვენის წარსულისს, თუ გადაშწვევტ მოშენტეში ჰოლიტიკური ცხოვრების ბრუნვისა, რომელი მთაზრე რას ფიქრობდა და ქადაგებდა ჩვენში, რა გზას უჩვენებდა ჩვენს ერს და მწერლობას.“

ბ-ნ ნიკოლაძის წერილი, შედგენილი 7 თებერვალს 1905 წელს, თავის დროზედ ვერ დაიბეჭდა. კხლა კი შეუცვლელად ისტაბეება იმ ხანის დედნიდან.

რედ.

სამდურავი? მე კი ვერ გამიგია! თუ დღეს გამოსათქმელად ვარგებულა უწინდელი ჩვენი ნათქვამი, ძველი კი არა, ამდროის მოქმედი პირები, თანამედროვე მოღვაწეები გზლებივართ. მარტო ასაკით ხომ, არ განირჩევა ძველი მოღვაწე ახლისაგან. იმდენი წელი გასძლოს თქვენმა გაზეთმა, რამდენი ახალგაზრდა ძველ აზრებს ემსახურებოდეს, ან რამდენი მოხუცი თავს სდებდეს ახალი წესებისთვის! არ მესმის კიდევ ვის შეუძლია თავისი ნაღვაწის დამალვა? თუ მართლა ვმარხავთ სახირო რასმე, თქვენ ვინღა გიშლის მის ამოთხრას და გავრცელებას? რიგანი მწერალი თავის მოაზრებას ერთხელ გამოთქვამს ბეჯითად. დიაკვანი ხომ არაა, სიკვდილამდი ერთს და იმავე ალილუიას იმეორებდეს?

„არაფერს ამბობენო, მკვდრებივით გაჩუმებულანო“ ბ. სიტყვა მიტომ ბრძანებს, რომ მის ბედნიერ ასაკში კაცს, მოქმედებად, დედა-მიწის ღერძად ზეცის ბოძად მარტო ის საქმე მიაჩნია, რომელსაც თვითონ ემსახურება. თუ ამ განვითარების კაცი მწერლობს, მის თვალში საზოგადო მოღვაწეობად მარტო მწერლობა სჩანს: ერს, ქვეყანას, მომავალს მეტი არც საქმე აქვს, არც რამე სჭირია. ზანგივითაც რომ შრომობდე დღე-და-ღამ საზოგადო ასპარეზზე, ხალხის მინდობილობით, ქვეყნის სასარგებლოდ, გინდ უღალავ ძალას და უთვალავ ხერხს იჩენდე ამ საერო სამსახურში, ნუ გგონია ამ ყაწვილებმა „მოღვაწედ“ ჩავთვალონ. მოღვაწე მათი აზრით მარტო ისაა, ვინც „სტატიებს“ სწერს სხვის დედანზე, ან ძველ ლექსსა გრებს ახალ კილოზე. სხვა ყველა მკვდარიცაა და გადამდგარიც. ღმერთს მადლობა შესწირე, თუ მოღალატეც არ დაგარქვეს, ან სხვა რამე უარესი, რაც ატაცებულ ყმაწვილს ენაზე მოადგება. ბედნიერ ასაკს ასე სჩვევია. ნეტავი მას! მაგრამ ვაი იმ ერს, ვის მწერლობაშიც ამ განვითარების პირები—კანონსა სდებენ!

საზოგადო საქმეში ძველ მოღვაწეებზე უფრო მეტი დახაც ახლებს უნდა შეეძლოს და მოეთხოვოს. ეს ბუნების კანონია: ახლებს, საკუთარი ღონის გარდა, ის ძალებიც ეხმარება, რაც ძველებმა დაამარაგეს, და სხვა, ბევრად უფრო თვალსაჩინი, ძალები საზოგადო წარმატებისა, დროის ბრუნვით დანაბადი. ამას გარდა —,ის ვარგა მამულისათვის, შვილი რომ სჯობდეს მამასა,“ და ღმერთმა ხომ იცის, რომ ძველს მოღვაწეებს ეს მხურვალედ და გულწრფელად სურთ. ახალი მოღვაწეები, სამდურავის მაგიერ, კიდევ უნდა ემადლიერებოდნენ ძველებს: ჩვენ მათ ხელს მაინც არ ვუშლით და წინ

როდი ველობებოდით, თუმც ბევრს არა თუ წვრილმანს, არსებით საგანზედაც სულ სხვა აზრისანი ვართ. ბ. სიტყვას ჩვენი მწერლობის წარსული გაცნობილი რომ ჰქონდეს, ეცოდინებოდა, რა მტრულად და გამცემლად მოგვექცა-ჩვენი შრომის დასაწყისში — ის თაობა, რომელიც ჩვენს წინ საზოგადო ასპარეზზე მოქმედებდა საქართველოში...

აი, რა მიზეზით მოგახსენეთ--არ მესმის მეთქი ბ. სიტყვას საყვედური. მგონია კედეც, ღრმად რომ დაჰკვირვებოდა თავის ნაბრძანებს, ის მალე მიაგებდა მის უსაფუძვლობას. იმასაც გაიხსენებდა მაშინ, უეჭველია, რომ ნამდვილი მოღვაწე როდი კვდება ხოლმე. ბევრ „კოცხალ“ ვაჟბატონებზე უძლიერესად მოქმედობენ, დღესაც, ქვეყანაში ისეთი მოაზრენი, ვისიც ძვლები კაი ხანია მტვრად ქცეულა სამარეში!

საყვედურს, მოღვაწის ღირსების ახდას, ვინღა სჩივის! ბ. სიტყვა ძველ მოღვაწეებს ამას როდი აჯერებს. ის მკიახველს არწმუნებს, ვითომ ძველი მოღვაწეები ეხლანდელი მოძრაობის შესახებ აი რა რჩევას აძლევენ ხალხსაო:

„როგორ შეიძლება, რომ ქართველებმა სხვა სხვა ამოვიდეთ, ეს მთლად დაღუპავს ქართულ საქმეს. ჩვენ არ გამოგვადგება, რომ წინააღმდეგობა გაუწიოთ. ჩვენ უმთრიალესის თხოვნით უნდა მივმართოთ ხალხს, მაგრამ, რადგან დღეს მთავრებას ჩვენთვის არა სცადა, უნდა ვაჩუქდეთ. ბიურკრატის იმედი უნდა გექონდეს, სხვისაგან არაფერი გვედარსება. წარმოადგინეთ, ჩვენში რომ ბიურკრატია მოისპოს, სომხები ხომ შეგვჭამენ. სიფრთხილე პოლიტიკაში სუკეთესო თვისებაა,“ დ. სსგ.

რამდენად საკადრისია მწერლობაში სხვისი აზრის ამგვარი დამახინჯება ამის გარჩევის დრო ვისა აქვს დღეს? *) ამავე მიზეზით, დაე, თქვენი ჰირი წაიღონ ძველმა მოღვაწეებმა და მათზე სინიღისიერად მსჯელობამ: ქვეყანა მათი შეურაცხყოფით როდი დაიქცევა. საწყენი აქ უფრო ის არის, ვაი თუ ამ წყვეულ ძველ მოღვაწეებს, სადმე მიყრუებულ ადგილებში, დამჯერი ვინმე შერჩენოდეთ! რას აფიქრებინებს, რას აქმენევინებს ამ უბედურებს ის რჩევა, რომელსაც ბ. სიტყვა ძველ მოღვაწეების სახელით ხალხში ავრცელებს? ვაი თუ მართლა გააბ-

*) თუმც დღეს (1913) დრო არის ამის გარჩევისათვის, მაგრამ დღესაც არა დარს, რადგან ასეთი ფანდები არც დღესაა ჩაკლები.

რიყვოს ვინმე ამ რჩევამ და განზე გადაუყენოს ებ-
ლანდელ მოძრაობას, ამ დროის საჭიროებას? მომა-
კვდინებელ ცოდვად არ უნდა ჩაითვალოს თუნდ
„ერთის მცირეთა ამათავანის“ ამგვარი შეცდენა?

ამისთანა რჩევის გამოთქმა არც ძველს, არც
ახალს მოღვაწეს ეპატივება დღეს, თუნდ სახუმარო-
დაც. დღეს ისეთი დროა, რომელიც საუკუნეში
მარტო ერთხელ დგება ხოლმე. მიწა იძრა, ძველი
გზა და შენობა დაიქცა, და ახალი ჯერ ნათლად
არავისთვისა სჩანს. ამ უცნაურ მდგომარეობაში სა-
ზოგადო მოღვაწეებს მძიმე მოვალეობა და პასუხის-
გება აწევს ერისა და „შთამომავლობის წინ: ხალხს
უნდა გამოუძებნონ მტკიცე, უტყუარი გზა შველი-
სა და წარმატებისა. დროშა უნდა აღმართონ და-
ფანტული ხალხის შესაკრებად, ხიფათის ასაცილებ-
ლად და უმჯობესი მომავლისკენ წასამართავად.
ნუ თუ ამ დროს, ამგვარი დროშის გამოტანის
მაგიერ, ერთი მოღვაწე ან დასი მეორეს უნდა
ეკინკლავებოდეს, და, ერთობის მაგიერ, განხუტე-
ლებას სთესდეს? მერე რა ფუტე საგანზე: ჩვენ შევ-
ძარით დედა-მიწა თუ თქვენო?

მიწის ძვრას, ბატონო, ვერც ჩვენისთანა, ვერც
—გაგებდავ თქმას — თქვენისთანა ვაჟბატონი მოახერ-
ხებს. ჩვენ ღმერთმა იმ სიდიდე ღონე გვადიროსო,
რომ გამოკვლევა შევიძლოთ თუ რა მსოფლიო ძა-
ლებს უმოკმედნიათ ამ შემთხვევაში და რითი ავი-
ცილოთ თავიდან მათი მანე გავლენა? თუ თავის
მოტყუება და ხალხის შეცდენა არა გვსურს, უნდა
ბეჯითად გვახსოვდეს, რომ ჩვენს მხარეს არც გაძ-
ლიერება, არც შეჩერება შეუძლია ამ მოვლენისა.
მეტსაც მოგახსენებთ, თუ არ გამირისხდებით: არც
საჭიროა ჩვენის მხრით მიწას ვებლაუქოთ, მის შე-
საძრავად. უამისოდაც, უმსხვერპლოდაც, შეგვიძ-
ლია, თუ არ დავიბნებით, ვნებას ავცდეთ და უმჯო-
ბესი მომავალი დავიმკვიდროთ.

თუმც უწინ, როცა ჩვენი „ძველი მოღვაწეე-
ბი“ მწერლობაში შრომობდნენ, ისინი ერთ დასს
როდი შეადგენდნენ და სხვა და-სხვანაირ მიმართუ-
ლებას ემსახურებოდნენ, დღეს გარემოებამ, საჭირო-
ებამ, გამოცდილებამ, არა თუ მარტო ისინი, სხვა,
ახალი მოღვაწეებიც — როგორც ყველა მიგნებული
ადამიანი ჩვენში — დაუახლოვა ერთ და იმავე პოლი-
ტიკას, რომელიც თან-და-თან უფრო-და-უფრო
მეტს მომხრეს შოულობს ჩვენში. ნება მიბოძეთ
გაგიზილოთ — რადგანც ჩვენი მწერლობის და
საზოგადო მოძრაობის წარსული ჯერ ყველასა-
თვის უცნობია — ამ პოლიტიკის დედა-აზრი და ის-

ტორია: ამით უფრო სწორედ და ნათლად გამოჩნ-
დება რას ურჩევდნენ და ურჩევენ ხალხს ის ძველი
მოღვაწეები, რომელთაც ასე დაულალავად — და
უმიზეზოდ — სდევნის ბ. სიტყვა.

მოგეხსენებათ ჩვენი მწერლობის და საზოგა-
დო მოძრაობის უმთავრესი თვისება: ყოველს ახალ
თაობას შეუცვლელად შემოაქვს შიგ. რაც რუსეთ
ში ან ევროპაში მის დროს უფრო მოწონებულ
მიმართულებად ითვლებოდა. ასე, ზესტაფონის ახალ-
გაზრდა ქალები ნიადაგ უკანასკნელი პარიკელი
მოდის შლიაპებით თავს იმშვენებენ. შეეფერება თუ
არა ეს თავსახური ჩვენებურ მხეს, ქარს, ტანსაც-
მელს, ამას ვინ დასდევს? კარგად გახსოვთ, რა
და რა „მიმართულება“ არ შექმოდებულა ამ ნაი-
რად ქართულ მწერლობაში, ნაციონალურიდამ
დაწყებული სოციალურამდი.

როგორც თავსახურის და ტანსაცმელის ავ-
კარგობას გამოსცდის და დაამკვიდრებს ბუქი, სიცი-
ხე თუ ავდარი, ისე სხვა-და-სხვა მიმართულებათა
შუა ამრჩევი და გამსაჯველია ისეთი გასაჭირი, რო-
გორც დღეს ჩვენს ქვეყანას და მთელს რუსეთს
ადგია. რომელი მიმართულების დროშა გამოდგა
ამ დაბნეულ დროს შველის დროშად, და რომელი
— დალუპისა?

ვისაც ჩვენი ქვეყნის მწერლობა (ქართული
და რუსული) ისტორიულად გაცნობილი აქვს, ის
დამეთანხმება, რომ დღეს ყველა მოღვაწეს, ძველს
და ახალს, ყველა წოდებას, ყველა ეროვნებას ჩვენს
ქვეყანაში ის დროშა უფრო იზიდავს, რომლის
აფრიალება პირველად მე მედიოსა „დროებაში“,
1870-ში, და რომელზედაც მარტო ორი სიტყვა ეწე-
რა: „ერთობა. თვითმმართველობა.“
ეს დროშა მით იმარჯვებს, რომ გარეგან მიბაძვით
კი არ არის შემოდებული, შინაური ნაკეთებია,
ჩვენი ქვეყნის საჭიროებაზეა გამოჭრილი*).

ბ. ნიკოლაძე.

(დასასრული იქნება).

* ეს მდგომარეობა ამ სტრაქონების დაწერის
შემდეგ მალე შეიცვალა: რაც უფრო და უფრო კლებუ-
ლობდა, ომიანობის შედეგად, მთავრობის პრესტიჟი,
მით უფრო თითოეულს ჩვენგანს, უფრო კავკასიულ
პარსსა, კრს და ზარტას, ძველებური გრძნობა მოეჩინა,
ვითომ და „მე ვარ და ჩემი ნაბადი, გამთენებელი დამი-
სო“. ბაქოს სისხლის-ღვრის ამბავიც ამ წერილის
შედეგის შემდეგ მოვიდა.

ილია ჭავჭავაძის ძეგლი

როდესაც ადამიანი სამშობლოს მოშორებულა, მისი გული იქნებ მუდამაც მისკენ იწვევდეს, მაგრამ ისე ჰარმონიულ ცემას კი ვერ შეუწყობს სამშობლოს ცხოვრებას. აი ამის ბრალი იყო, რომ უცხო ქვეყანაში მყოფი კარგად ვერ ვაძლევდი ანგარიშს ყველა მას, რაც საქართველოში ხდებოდა, თუმცა აქაურს პერიოდულ გამოცემებს კი თვალყურს მუდამ ვადევნებდი. მუდამ დიდია განცდა მხოლოდ მაშინ, როდესაც ადამიანი უშუაშაგლოდ ჩაბმულია ადგილობრივ ცხოვრებაში. წელს ილიას საღამოს დავესწარი, და ბ. ლექტორმა რომ ხმამაღლა წარმოსთქვა, ჩვენ მოვკალით ილიაო, ჟრუანტელმა დამიარა, მეგონა შეთქმულნი შევეყრილვართ საიდუმლო კრებაზედ, ყველანი ვცდილობთ ეს მკვლევლობა დაფვაროთ და ეს კი ხმა-მაღლა მბობს ამაზეო, მეგონა, თვით პირადად მე ვიყავი დიდებული ილიას მკვლელი მეთქი.

აკამდის სამშობლოს დაშორებულმა მხოლოდ იხლა ვნახე ილიას ძეგლიც. როდესაც დიდებულ ადამიანს ძეგლს უდგამს მთელი ერი, და საზოგადოთ ყოველი ნამდვილი ძეგლიც, მე წარმოდგენილი მაქვს, როგორც ქეშმარიტი ხელოვნების ქეშმარიტი ნაწარმოები, და არა ყოველივე გამოხატულება ბრინჯაოსი, თუჯისა ან ქვისა ვისიმე ზედწარწერით, თორემ ამისთანა „ძეგლები“ ხომ ყოველსასაფლაოზედ შეგხვდებათ აუარებელი, და მასა ნახავს მხოლოდ ის, ვისაც აინტერესებს ზედწარწერა ან ის პირი, ვისი ძეგლიც სდგას, ხოლო სხვები ვერც კი შეამჩნევენ მას, ან შეამჩნევენ იმდენად, რამდენადც ამჩნევენ ქუჩაში სიარულის დროს ტელეფონის ბოძებს: რომ არ ღაეჯახონ მას.

ნამდვილმა ძეგლმა კი ერთი წუთით მაინც უნდა მიიზიდოს თქვენი თვალი და მიიპყრას ყურადღება.

ამისთვის ის უნდა უწინარეს ყოვლისა იყოს მხატვრული, ე. ი. იძლეოდეს განსაკუთრებით შეთანხმებას ხაზთა და რაოდენობის გრძნობას (იძი-რое сочетание линий и чувство массы), რომ ლებიც ორგანიულად უნდა ერთდებოდნენ გარემო მდებარეობასთან, აძლევდნენ მას ახალს, უფრო მთელს აზრს და ღირებულებას. აი ამგვარი ძეგლია ბოგდან ხმელნიცკისა კიევიში. რომელი მხრიდგანაც გინდათ შეხედოთ, — ყოველთვის ცაზედ იხატება ლამაზი, სიცოცხლითა და მოძრაობით სავსე,

სახებრივი (узорный) სილუეტი მისი. ასეთივეა იმპერატორ ნიკოლოზ პირველის ძეგლი უნივერსიტეტის წინ. აქაც მისი მკაცრი, უბრალო სახე სრულ ჰარმონიას ჰქმნის მის მიერ აშენებული უნივერსიტეტის სტილთან, და აძლევს დამთავრებულობას, ცენტრს იმ პატარა ბაღსაც, რომელშიაც იმყოფება, აფერადებს მისს ერთგვარად გაქიმულ ხეივებსაც.

მეორე პირობა ძეგლის სიკარგისა ის არის, რომ იმან არა თუ პორტრეტულად უნდა გადმოიღოს გამოქანდაკებული პიროვნება, არამედ უმთავრესად უნდა აჩვენოს იგი, გამოააშკარავოს იდუმალი, მარადისი, ნუმენალური.

აქ იგივე განსხვავებაა, რაც ფოტოგრაფიულ სურათსა და პორტრეტს შუა, რომელიც დიდი მხატვრის ნაწარმოებია. სურათი შეიძლება ძალიან კარგი იყოს, არაჩვეულებრივ მიმგვანებული, უფრო მეტადაც, ვინემ პორტრეტი, მაგრამ იგი მაინც მხოლოდ დროებითსა, შემთხვევითსა და გარდამავალზედ გვიჩვენებს, და ამიტომ მას ფასი აქვს მხოლოდ ნათესავებისა და ახლო მეგობართათვის.

პორტრეტი ხელოვანისა — როგორც ტიცია-ნია, ვანდეიკი, გალსი, ან თუნდ ზოგიერთი პორტრეტები რეზინისა სრულიად არ ითხოვენ ორიგინალის პირად ნაცნობობას, როგორც არ ითხოვს ამას რამზეს II ქანდაქება, რომელიც, ათასი წლებით ჩვენგან დაშორებული, თვისი უკვდავი ღიმილით მეტს გვეუბნება, ვინემ ასი ქკვიანი წიგნი.

დაბოლოს ძეგლი უნდა იყოს შესამჩნევი, არა მხოლოდ გარეგნულად, არამედ შიგან — მონუმენტალური. უკვე თვით ის ფაქტი, რომ იგი სდგას ჩვეულებრივ ქალაქების ქუჩებსა და მოედნებზედ ცხოვრების ხმაურობას და ხალხის ამოვებას შორის, მას აიძულებს იმეტყველოს ქუხილ მაგვარი ხმით, რომ უსმენდნენ მას. ამგვარი ძეგლები ძალიან იშვიათია. მხოლოდ ალექსანდრე III ძეგლი პეტერბურგში და, როგორც აღწერით ვიცი, ბისმარკის მონუმენტალური ძეგლი თუ იქნებიან ამისთანა. და აკი ამიტომ შეიძლება კამათი იყოს მათს შესახებ, ზოგს არ მოეწონოს, მაგრამ ეს ძეგლი მაინც აიძულებს ადამიანს ყურადღება მიაქციოს მას, გააჯავრებს, აღიტაცებს, აცინებს, აგინებინებს, განაცვიფრებს, ხოლო უყურადღებოდ დატოვება მისი კი არ შეიძლება.

ამ ძეგლის „ინდივიდუალობა“ უსათუოდ მოითხოვს განსაზღვრულ დამოკიდებულებას, აიძულებს ასე თუ ისე უკუ ადლოს ადამიანმა თვისი ცხოვრე-

ბისთვის მრჯელობა, მოუსვენრება, ვარამი, საქმიანობა და მიეცეს მის მიერ შექმნილ ემოციათა, შთაბეჭდილებათა, განცდათა, ფიქრთა და იდეათა სფერაში.

ამგვარი უნდა იყოს ნამდვილი ძეგლი დიდებული ადამიანისა. ასეთივე ძეგლი ეკუთვნოდა ილია ჭავჭავაძესაც. იგი უნდა მდგარიყო სადმე შუა ქალაქში, რომ ყოველ წუთს ჩვენი სულისა და გულისთვის თავისი დიადი აზრები ექადაგნა. ეხლა... ეხლა კი მისი „ძეგლი“ მხოლოდ „სასაფლაოს ქვაა“, რომელიც თითქმის არც კი გაირჩევა სხვა ირგვლივ სასაფლაოთა ძეგლებისაგან. სამწუხაროა, რომ მთელმა ქართველმა ერმა ხუთი წლის განმავლობაში მხოლოდ ამ გვარი „ძეგლის“ დადგმა მოახერხა, და ეს მხოლოდ მაჩვენებელია ჩვენი საზოგადო და ეროვნული ცხოვრების სილატაკესი.

ახალმოსული

ზ რ ე ს ა

თბილისში ამ დღეებში გამოვიდა სოც.-დემოკრატების ახალი საორშაბათო გაზეთი „ფიქრი“, რომელიც ერთ თავის წერილში შეეხო ილ. ჭავჭავაძის თხზულების ახალ გამოცემაში მოთავსებულ გრ. ყიფშიძის მიერ ილიას ბიოგრაფიას, უსაყვედურებდა გომართელს მის დაბეჭდვას და სხვათაშორის ამბობდა: „მესამე დასიც და მისი იდეალებიც ბ. გომართელმა დიდი ხანია მოიტანა გასასყიდად ჩვენი მოწინააღმდეგეთა სამსხვერპლოზეო“. ბ. გომართელმა სრულიად ჭეშმარიტი სიტყვებით უბასუხა მათ:

სიპართლეს მე ყველას მოეუწონებ, სიყალბეუკი კვერს არავის არ დაუჭერავ.

მესამე დასის სიყალბეს ეროვნული საკითხის აბუჩად აგდება შეადგენს, მე ეს ბეგრჯულ მითქვამს და ვიტყვი. ეროვნული საკითხის უარყოფა უმთავრესი მიზეზი დასის დამარცხებისა ქუთაისის გუბერნიაში.

თბილისის გამარჯვება ჩემთვის დამარცხებაზე უარესია. შემდეგში კიდეც მეტი დამარცხება აუცილებელი, თუ დასმა ეროვნული საკითხი ჯეროვანის უურადლებით არ გადასჭრა.

ბ. გომართელი თითქმის ერთად ერთი ნათლად მოაზროვნე კაცი ჰყავთ მესამე დასელებს, იმან

კარგად იგრძნო, რა დიდი დანაშაულია ეროვნული საკითხის უკუ გდება, როგორც ამას ს.დემოკრატები სჩადიან, იგრძნო, რისთვის დამარცხდნენ ისინი ქუთაისში სათათბიროს არჩევნების დროს, და რომ თბილისის გამარჯვება სომხის პლუტოკრატიასთან ერთად გამარჯვებად არ ჩაითვლება, ყველა ეს ამხილა მან, და იგიც ამოიძულარეს მათ და სცდილობენ ყოველგვარი ცილისწამება მოახვიონ თავზედ. განა ასე როგორ უნდა სძულდეთ ეროვნული საკითხი და მისი ჭეშმარიტი გარკვევა მესამე დასელებს!

ბ. გომართელის პასუხს მეორე გაზეთი მესამე დასელებისა „მერცხალი“ თავისებური მარგალიტებით შეხვდა, რენეგატის სახელით მონათლა იგი. წერილის ავტორი ყველაზედ უფრო იმას გაუჯავრებია, როგორ თუ სათათბიროს არჩევნებში დემარცხდითო, და სხვათა შორის სწერს:

„თბილისის გამარჯვება ჩემთვის დამარცხებაზედ უარესიაო, ამბობს გომართელი. ნეტავი რისთვის? იმისთვის ხომ არა, რომ კარლო ძენიძის კანდიდატურისა და მისი წამომყენებელი დასის გარშემო თავი მოიყარა სხვა და სხვა ერის მუშებმა, გლეხებმა და ქალაქის დემოკრატებმა! (კურსივი ჩვენია).

ნეტა ეს სხვა და სხვა ერის მუშები და ქალაქის დემოკრატია ვილა? სხვა ერის მუშები ალბად ხატისოვი და მილოვია, ხოლო მესამე დასთან არჩევნებში მომქმედი ეს ხომ დანარჩენი სოლოლაკელი არიან. ნუ მოგეშალოთ მაგათთანა დემოკრატიასთან მეგობრობა!..

ქურთის ნატვრა*)

(ჩაწერილი ქურთის სოფელ შამირაშში)

რომ მანატრა, ვინატრებდი ჩემთვის: ჭკუას ინგლისელის, ხვანტქრის ოქროს, არაბულ ცხენს, ხმალს, გაჭედილს ხვარასნელის.

რომ მანატრა, ვინატრებდი მისთვის, ვინც მე მიწვევს მტრობას: ქართველთ ჭკუას, რუსის სინდისს და სომხისა მეგობრობას?

მაგმაძე.

*) ეს ლექსი მივიღეთ ერთ ქართველ მოღვაწისაგან პასუხად ჩვენ ჟურნალში დაბეჭდილ ამბისა ბ-ნ კეხელისაგან გაყიდულს მამულზედ.

ბ ე გ ო

(საშემოდგომო ადილია)

* * *

...და ნაღვლიანად გაჰყურებდა ბეგო შორს სივრცეს. დაშაშრულ კლდეზე ჩამომჯდარი იგი ღრმა ფიქრებს მისცემოდა. მას ცხვირისკი მიჰვიწყებოდა, რომელიც იქვე ფერდობზე ვაშლილიყო და მძაფრი ტუჩების ცმატურით ფავაციებით სწიწნიდა გაყვითლებულ მოქაჩლებულ ბალახს. მისი მუროიაც აქვე იწვა. ტოტებშუა ცხვირი ჩაეყო და ქვეანი თვალებით მიშტერებოდა თავის პატრონს, თითქოს ჰსურს მისი საიდუმლო ნაღველი მის სახეზე ამოიკითხოსო. მაგრამ ამაოდ: დამუნჯებული ბეგო ღრმად ჩაკარგულიყო იდუმალების უფსკრულში, თითქოს სილსილეს სფინქსი ყოფილიყო.

რას დაღონებულ ხარ; ეკითხებოდა კლდოვანიდან ჩარდახად გადმოკიდული კუნლის ჩირგვი, რომლის მწვანე კარავს აქა-იქ შევარაყებული ფოთლები გამოარეოდა და ნელის ცვენით ისე ეხლართებოდა ბეგოს აბურძგნულს თმას, როგორც ძველი დროის გამარჯვებულ კეისრის გვირგვინი.

ჰო და რათა ხარ ნაღვლიანად, — ხელახლად შეეკითხა იგი, — შენ ხომ ამ ქვეყნის მეფე ხარ. ნუთუ ისეთი რამე გეწვია, რასაც შენი დამძარება შეეძლებოდა? მე რას მიყურებ, ჩემო კარგო. თუ რომ კაენით შემიკრავს შუბლი, ეს იოტომ, რომ მომავლის შიში მაქვს, ვხედავ ჩემს უბედურებას, ზამთრის მოლოდინში სამოსელი როგორა მცვივა. შენ? შენ რაღას დარდობ? გამზიარულდი, გამზიარულდი ბუნების მეფე! სთქვი რამე, თორემ ამ სევდის სამეფოს ოხვრის გვირგვინი არ ექირვება, გეფიცები ჩემს ზამთრის ძილს!

მართლაც შემოდგომის ნისლით მობურულს ჰაერში გაცრეცილ ფოთლების გოდების მეტი არა გაისმოღარა. ეს იყო ერთგვარი სასაყვედურო ჰიმნი, რომელიც პირველ დაკვნესებისთანავე მოსწყდა მსოფლიოს და ისე გადაიკარგა სივრცის უბეს როგორც ღალატის წანამგრძნობ ქალწულის ტუჩითა გამოსათხოვარ კოცნის სევდიანი სალამურის ხმა. ბეგო უაზროდ შეჰყურებდა ამ უკანასკნელთა სულთა ბრძოლას, როდესაც სისხლ-გამშრალნი თავ გზა არევით დაბორიანობდნენ თავიანთ ძველს სადგომების გარშემო და შიშველ გულმკერდს თამამად აგებებდნენ ქარის ბასრს ისრებს, რომ რაც შეიძლე-

ბა სასტიკ კრილობათა მეტი სიმწვავე ეგრძნოთ, რათა სიცოცხლის მშვენიერება უფრო სიცხადით აღბეჭდილიყო მათ მიზინდულ თვალთა იერზე. არა, ბეგოსთვის უქმი იყო სიცოცხლისა და სიკვდილის ბრძოლის სანახაობა, გიჟური ლტოლვა მომაკვდავთა სიცოცხლისადმი, რომელიც ყორნის ფრთის წვერით იბეჭდებოდა ნისლის ლეჩაქით გამოკვალთულ ხომლის კალთებზე.

კუნელს ასკილიც მიემატა. მედიდური იყო მისი კილო. აქაო და დაღესილი ეკლებით დაცული მაქვს მარჯვანა ნაყოფიო, თავზე ბუზს აღარ ისვამდა, ზამთარი ვერას დამაკლებსო.

შენ ეი, ბუნძგლია, — გადმოსძახა ბეგოს, — თუ რომ მოსულხარ ჩვენთან სტუმრად, იმზიარულე, თუ არა — აქედან მოსწყდი. ამათი წრიბინიც მეყოფა, რომელნიც გარე შემომრტყმინან.

მართლაც, შეშინებული ბუჩქები ერთმანეთის ქვეშ იყუყებოდნენ. თვით წყაროცკი, რომელიც გაზაფხულზე ამაყად გადმოჩხრიალებდა ნაშალ კლლის პირით, ეხლა აცრემლებულიყო, ობოლი მარგალიტები ევანამდა აიაზმად და ნეტარებით გაიხსენებდა იმ დროს, როდესაც ცელქი მზიარული ცეკვით მიხტოდა დაბლობისკენ და ქალწულ ყვავილებს არ უსვენებდა არშიყობით.

ბეგო შეაკრთო მათ შეკითხვამ. მიიხედ-მოიხედა, თითქოს ვილასაც ეძებდა და რომ მისი თვალი სასურველ წერტილს ვეღარ შეჰხვდა, ერთი მწარედ ამოიკვენესა და ხელის ჩაქნევით კვალად მდუმარებას მიეცა, თითქოს სურს უთხრას მამებზრებსა: „აბა რაღა ვთქვა, როდესაც სიტყვით შეუძლებელია გადმოიცეს რაც გულს მიწყლავსო.“

მისი კვნესა კაენშის სიმაღ ჩამოიკრა და ნაღვლიან მელოდიად მყის ჩაიკარგა მომაკვდავ ყვავილთა უკანასკნელად დაკმეულ სამწუხრო სურნელოვნებაში.

* * *

...ბეგო მქმუნვარებს, იტანჯება, ბეგოს არა აქვს მოსვენება. ბუნების წიალში აღზრდილს მხოლოდ ერთი რამ გრძნეულება შეეძინა, ერთი თილისმა: სალამური ერთად ერთი იყო მისი ხმატკბილი მეგობარი, ის იყო მისი ჯადოსნური მოუბნე, რომელიც საოცარი სისწორით გადმოსცემდა მის გულის რითმიულ კვნესას, სულის ლტოლვას, სურვილთა ძახილს. ჯერ ხელში არც კი აეღო, რომ ოცნებამ ფრთები გაშალა. გონების თვალმაც ფრთები სცქვიტა. მკინულავ ტაროსში იგი უმზერდა ოქროს-

წვიმას, ზურმუხტოვან ველს, სადაც ოქროს თმიანი მოცეკვე ფერია სუბუქი ფეხით ნავარდობდა. თავბრუ დასხმული ბეგო თვითვე მოხიბლა თვის ოცნებამ. წატორტმანებული სალკლდის შანთებს მოეჭიდა და დამაშვრალს პირზე მიაღო შუბელი, რომ ბურუსი მიმოფეხანტნა. მაგრამ მოცეკვე არ ჰქრებოდა. აი, მანდილი მოიწყვიტა და შიშველი სახით გამოქანდა ახლა ბეგოსკენ:

შენ ეი, გიჟო, — გადმოსძახა უნებურ ტყვედ — ქმნილს, — დაუკარ შენი შეიდთელიანი სალამური...

ბეგომაც მორჩილად აიღო სალამური. ირგვლივ ბუნება გაინახა. მთლად დაავიწყდა უნებური შიში და ძრწოლა. იცის, ბეგო ეხლა კი ვერ დამალავს თვის საიდუმლოს, მუნჯი ბეგო უტყვი თილის-მით იმეტყველებს, მთელს ცას გადაშლის...

* * *

..და სალამურიც ახმაურდა. ეს იყო წყნარი მოძახილი, როგორც ნიავის საღმრთო ჩურჩული ყვავილებთან, როგორც ტალღების ნაზი ხვევნა კენჭების გულზე. მაგრამ აი, ჩურჩული კენესად გარდაიქცა და მალე, ძალიან მალე კენესა იგი ქვითინით მიმოფეხინა ირგვლივ არეს. ჩაქინდრულმა ყვავილებმა ასწიეს თავი და გამქანარი ტუნები მოჰმართეს კოცნის მისაღებად. ბუჩქები აღარ ხმაურობდნენ, სულ დაავიწყდათ მომავალი სიკვდილის ლანდი; ორიოდ წუთის წინ მათს გარშემო სამგლოვიარო ზარს რომ აგუგუნებდა. სალი კლდის ბებერი არწივი ძირს გადმოეშვა და მის მახლობლად ჩამოცვენილი ფრთებით მიეცა საუკუნეთა ბედის თამაშის საგონებელს: აგონდებოდა სილაღე, აგონდებოდა სიამით განვლილი დღენი, როდესაც იგი მეფედ მეფობდა და ეხლა დაძაბუნებულს უნებურად კენესა ჰხდებოდა. ბუტუსურა ცხვრებიც კი დარბაისლოური ნაბიჯით გარს შემოერტყნენ და სპეტაკი ფილოსოფოსი თავი დაჰლუნეს დაბლა, თითქოს მიწას ეკითხებოდნენ, რას ნიშნავს ბეგოს სალამურის ასეთი ძახილი. დისკო დახრილი მზე ქედის პირს შეჩერდა, მზლეთავი სხივები როგორც იყო წამით მიჯაჭვა მწვერვალის თხემს, მაგრამ ვერ შესძლო: მთით ნიაგმა წამოუბერა, თითქოს შემურდა მისი ადგილიო, ნისლის ლეჩაქი მოხვდა, თვით კი დაეშვა დაბლობისკენ და მხოლოდ ბეგოსთან შესწყვიტა ნესტრის სისინი.

ოქროს თმიანმა ფერიამაც შესწყვიტა ცეკვა. უნებურად პირზე ღიმილი წაეშალა. თვითონვე შერცხვა თვის სიშიშვლის. ნისლს გადაეგლო და

ნამის უკან ფერდობიდან შავმანდილ მოსხმული ჩამოეშვა მტირალი სახით.

ბეგო შეაკრთო მის ცრემლებმა: თითქოს რომ იცნო.

— მითხარ, ძვირფასო, რატომ სთესავ ცრემლთა მარგალიტს? არ იცი, ნათესი იგი ამოვა, სხვები დაჰკრებენ მის კუნწულებს და შეხ კი არ გიწილადებენ.

— მას ხელს ვერვინ ვერ შეახებს, — უბასუხა მანდილოსანმა, — რადგანაც იგი შენ გეკუთვნის. შენ კი მეფე ხარ, ჯადოსანი. აქ შენთვის მოველი... შენთვის... მხოლოდ შენთვის... შენთვისა ვთესავ სიხარულსა, ამ ცრემლთ მარგალიტს... შენმა კენესამ გულში აღმიგზნო დაფარული ტრფობის ქარცეცხლი. მაშ დამწვი... დამწვი... შენ ხარ ჩემი საკუთარი მზე... ჩემი მასიცოცხლებელი მნათობი... აბა შეჰხედე ჩემს თეთრს გულ-მკერდს! თვით მზე-ქალასაც შეშურდება. რა არის სირინოზი, რომელიც ტალღების ქაფის არშიას კეკლუცად ისხამს ბროლის ყელზე? არაფერი! საკმარისია მთვარის შუქზე თევზის ბოლო შემოგკრას, რომ ამ ერთი სილით გაგრძნობინოს თავის სიცივე. არა, ოჰ, მზეო, არა მსურს სირინოზად მიგაჩნდე, არა! მხოლოდ შენს ვნებათა მორჩილ მხველად მიგულე მარად, შენს მხველად - მეთქი, რომ სიცოცხლე სიცოცხლედ მხოლოდ შენთან ვიგრძნო, ცეცხლში დავიწვა შენის ცეცხლით, აღვიგზნო შენებრ და ავცისკრდე, როგორც ჩემით შენ! აჰა, ეს მარწყვის ტუნები, შენია, შენი! შენ გეკუთვნება ამ სხეულის სრული ტამასი. დრო აღარ არის ჩივილისა და თავის წყევლის. შენს ცრემლებს ეღირსად დაკოსება: მათ შემისყიდეს, შემისყიდეს, როგორც მე შენა...

მაგრამ რას ნიშნავს? ბეგო, ბედნიერებით დამთვრალი ბეგო, მის სიტყვებს ისმენს როგორც ზღაპარს. ის კი მორცხვობის საზღვრებს ჰლახავს. კვლავ სურს გაშიშვლდეს... ყელზე ეხვევა... გველსავით აქლობს შიშველ მკლავებს... მხურვალედ იკრავს მის თავს მკერდზე და გაფიცებულ ელვარე ტუჩებს ასრისავს მის გაბურძენულ თმას, ლოყებს და ტუჩებს, როგორც ახლად გადაშლილ ვარდს... წითელს ვარდს... როგორც გაფურჩქნულ კოკობ ვარდსა მუგუზლის მურზე...

* * *

...მთვარე ამოვიდა. ნაღვლიანად გამოსჭრა ნიჩლის ასკეცი შავი რიდე. ფერდობის შუაგული

მცობნავ ცხვრის ფარას მოეთოვონა, ხოლო და შაბრულ კლდის პირს ღრმად ჩასძინებოდა ბევოს-მის გვერდით ეგდო სალამური. მურა კი მოუსვენ-რად დარბოდა, ხან ცხვრებს დასტრიალებდა, ხან კიდევ მიძინარე ბევოს, რომელსაც ნაღვლიან სახეზე გამოურკვეველი ღიმილი დაჰკრთოდა და თან ტლანქად ხელით სრისავდა ტუჩებთან მიტა-ნილს ფერ-მკრთალ ზამბახს, სევედით სავსე ფერ-მკრთალ ზამბახსა, რომელიც თვისდა შეუმცნებლად იქვე წყაროს პირს მოეწყვიტა.

დ. კასრაძე.

ბრიუსელი 10 ნოემბერი.

ჰურის მოსავალი

რუსეთის დიდი კომერსანტები, რომელიც ჰურიით ვაჭრობენ, ძალიან დადონებულან ჰურის ფასების დაწე-ვით. სსოგადოდ, უკანასკნელ ხანებში უველასუდ იაფი ჰური 1910 წელს იყო. ესლა კი ჰურის ფასს უფრო კიდევ დაუკლია. ოდესში, მაგალითად, ფუთი ღირს 93 კაზ. შარშან კი 1 მან. და 11 კაზ. ღირდა, ხოლო 1910 წელში კი 96 კაზ. დიდ ვაჭრებს ჰური სამზღ-ვარ გარედ გააქვთ ხოლმე, ესლა კი შავი ზღვისა და აზოვის ზღვის ნავთსადგურებში ჰური ნაკლები ღირს, სახელდობრ 90 კ.—1 მანეთამდე, ვინემ ადგილობრივ-სამზღვარ გარედ გასტანად ჰური თითქმის აღარ იუი-დება.

ფასების ასე დაწევის მიზეზი ევროპის რუსეთი-სა და ჩრდილო კავკასიის კარგი, არაჩვეულებრივი მოსა-ვალაა. ხარჯის-ამკრევე ინსპექტორთა სტატისტიკური ცნობებით ევროპის რუსეთისა და ჩრდილო კავკასიის მოსავალი განისამზღვრება 4748 მილიონი ფუთით. ამისთანა მოსავალი არა უოფილა რუსეთში თითქმის მთე-ლი საუკუნის განმავლობაში. როგორც ანკარიშობენ, აქედ-გან სამზღვარ-გარედ წავა 1240 მილიონი ფუთი. მაგ-რამ საქმე იმაშია, რომ ამოდენა ჰური არც საზღვარ-გა-რედ დასჭირდებათ, (წინად მიდიოდა მხოლოდ 900 მილი-ონი ფუთი), მით უფრო, რომ ასევე კარგი, არა ჩვეუ-ლებრივი მოსავალი იყო ამერიკაშიც და კანადაშიც, რომ-ლებსაც აგრედვე მსოფლიო ბაზარზედ გამოაქვთ ხოლმე უაველთვის თავისა მოსავალი. კარგი მოსავალი იყო არგენტინასა და ავსტრალიაშიც. და მხოლოდ ერთს ინ-დოეთს ვერ მოუვალა კარგი მოსავალი, ამიტომ ევროპის

უმთავრესს ბაზარზედ ჰურის ფასი შარშანდელთან შედა-რებით 10—15 პროცენტით დაეცა. გერმანიაში, მაგა-ლითად, რომელიც რუსეთის ჰურის უმთავრესი მოშტა-რია, ფასები წელს კიდევ უფრო ნაკლებია, ვინემ ეს 1910 წელში იყო. ბერლინში ფუთი ხორბალი საბაზო გადასახადითურთ 1910 წლის ღვინობის თვეში ღირდა 1 მ. 50 კ., ესლა კი სულ 1 მან. 41 კ. ღირს.

ჰურის ფასების ასე დაწევამ შექქმნა დროებითი კრიზისი ექსპორტისა. მაგრამ ჯერ კი ფართოდ არ გა-შლილა ეს კრიზისი. ვაჭრები ძალიან შიშში არიან. ვნა-ხთ, მომავალი რას გვიჩვენებს. ასევე კარგი მოსავალი იყო ციმბირშიც, და რუსეთის იმპერიის სამზღვრებში მხოლოდ ერთი ჩვენი ქვეყნა დაზარადა ამ მხრივ.

სოფლის მეურნე.

უკანასკნელი ამბები

რედაქციამ მიიღო ჰეტრე მირიანაშვილის მიერ შე-კრებილი და დაწეული „ამირანის ლექსი.“ წიგნი მშეუნივრად არის გამოცემული, შიგ ჩართული აქვს კარ-გად შესრულებული 30 ხანატი და ღირს სულ ექვსი შა-ური.

მიწადმოქმედებისა და სახეშეწიფო მამულების ქუთა-ისის მმართველობას ხუთი ნებართვის მოწმობა მიუცია ნ. ვ. ნახარეტიკისთვის ართვინის ოლქში „დიდ ნაღი-ანთ ეფესის“ მიდამოებში სხილენძის მდინის ადგილების გამოსაკვლეკად.

ამავე სამმართველოს მიუცია ნებართვის მოწმობა ი. ს. შადინოვის შემკვიდრე ი. აშრაფიანისთვის ბათუ-მის ოლქის, „ბოლომინის“ მიდამოებში სხილენძის მდინების გამოსაკვლეკად.

როგორც „კავკასს“ ატეობინებენ ერთა წმიდასა და სათარხნის (გორის მაცრა) მიდამოებში სეტეეკს გაუ-ფუტება შემადგამის ნათესი 2476 დლიურზედ. ზარა-ლი 8, 500 მანეთია.

თიონეთის მაცრის ავარაკ ახმეტაში და მატანში თავ. დადიანისა და ჩოლოყაშვილიანთ ტუეებს ცენხლი გასჩენია.

საქართველოს ცხოვრების მიკრობი

სულ რაღაც ფუჭი და უღონოა ყოველი ჩვენი საქმე, კერძო იქნება იგი თუ საზოგადო. აი ეხლა, როგორც გახეთები გადმოგვცემენ, ქუთაისში დახურულა კოოპერაცია „პროგრესი“ და ამაში გაკოტრებულა „ანგარიში“ თავისი განყოფილებებით და სხვ. მიზეზი? მაზეზი ათასია, და უმთავრესად კი ჩვენი ცხოვრების საერთო უვარგისობაა.

რუსეთში ყოფნის დროს კარგად გავეცანი ერთს დიდს ქარხანას, სადაც ოცი ათასმდე მუშაო და სადაც აქამდის გამდიდრების ერთი უბრალო და გენიალური საშუალებაა ხმარებაში. კანტორაში მომუშავეთ, მიმღებლებსა და კიდევ რამდენსამე პირთ გარედგან პირობა აქვთ ერთმანეთში.

ამ გარეთ მყოფ ვაჟბატონებს ამ ოცი წლის წინად ქარხნისთვის მიუყიდნიათ ერთი ვაგონი ძველი რკინა ხუთასს მანეთად. ვაგონი დანიშნულ ადგილს მისულა, მიმღებლებსა და მეკანტორეებს ეს წიგნებში შეუტანიათ, და თვით ვაგონი კი წასულა დაუტლელი იქვე, საიდგანაც მოვიდა. იქიდგან კვლავ ქარხანაში მოსულა, „მიღებულა“ და უკანვე წასულა. ამგვარად, წელიწადში სამოცჯერ მაინც მგზავრობს ეს ვაგონი წინ და უკან. აქედგან აღებულის ოცდაათ ათასს მანეთს კი „გამყიდველები“ და ქარხნის მოსამსახურენი იყოფენ.

სწორედ ეს ვაგონი მაგონდება ყოველთვის, როცა ჩვენი ცხოვრების საქმიანობას ვუკვირდები. ამისთანა „თავისი“ ვაგონი თითქმის ყველა ჩვენ დაწყებულებასა აქვს, და ყველა სცილობს, რომ თავისს თავსა და თავისიანს, ნათელ-მირონს არგოს იმითი. თვით საზოგადო საქმეც ყველას თავისი კერძო საკუთრება ჰქონია, და აგრედვე განაგებს მას. კოოპერატიული კრიზისის გამო „სასოფლო გაზეთი“ ამბობს, მეთაურთ არსებულ პირობებს ანგარიში არ გაუწიესო. დიად, სწორედ საქმეც ამაშია, რომ არსად და არასდროს ანგარიშს არ ვუწევთ არც ჩვენს თავს, არც საზოგადო ცხოვრებას. მაგრამ, მოგეხსენებათ, ადამიანი მეტ წილად სოციალურ პირობათა ნაყოფია, ყველა ხედავს, რომ ჩვენში ეს დაუდევრობა საზოგადო საქმისადმი კარგად არის მიჩნეული, მათი გრძობა-გონებაც ამგვარივე მიკრობით ივლინებთა, — დანარჩენი კი თავისს თავად მოდის.

საშინლად ცუდს ნიადგს და ჰავაში ვცხოვრობთ! თითქმის არსად მოიძებნება სულით მღვიძარე, გულით მამაცი, მომუშავე ქართველი: ყველა ჩვენმა ქართველურმა მიკრობმა შთანთქა.

ნარი.

კატარა ფელეტონი

გ ე მ ო ვ ნ ე ბ ა

(ქთიული ჰარა ჰეისისა).

„...საშინლად ულამაზო ახალგაზრდა კაცია“... აი რა ჩასწერა ელენემ თავისს დღიურში იმ დღეს, როცა ჟორჟი გაიცნო.

„...საკმაოდ საინტერესო სახე აქვს იმას“... ასე განუცხადა ელენემ თავისს დედას ერთი თვის შემდეგ, როცა ჟორჟის მიერ მირთმეული ლამაზი ვარდებით ახალ კაბას ირთავდა.

„...მისს სახეს ის თოჯინას მინაგვარი გამომეტყველება არა აქვს, და ის უნაკლო სახის ფორმები, რაც მე ასე მეჯავრება მამაკაცში. მას აქვს ნამდვილი ვაჟაკური და უსათუოდ დამახასიათებელი სახე. მშვენიერი თვალები“...

ამას ელენე სწერდა თავისს ბიძაშვილს — ქალს იმ წერილში, რომელშიაც ატყობინებდა, მე და ჟორჟი დავინიშნეთო.

— შენ უფრო კარგი და ლამაზი ხარ, ვინემ მთელი ქვეყნის კაცები, — ხმა-მიხდილად ეუბნებოდა ის, როცა ქორწინების შესამე დღეს ყავას აკეთებდა. მზათა ვარ, მთელი საათობით გიყურო და გელამუნო შენ.

ექვსი თვის შემდეგ სხვა კაცმა დაიქირა მის ცხოვრებაში ადგილი, და ელენემ როგორღაც განუცხადა ერთხელ თავისს ქმარს;

— არ ვიცი, ჟორჟ, მიაქციე თუ არა ყურადღება, როგორ საშინლად გითხელდება თმა. შენ უფრო ნაკლებ, ვინემ სხვას, მოგიხდება მელოტობა. მაინც ამ ბოლო დროს შენ საშინლად გაულამაზოვდი...

ვურჩევთ ქალებს პირველი შთაბეჭდილებით ნუ სჯიან კაცის სილამაზეზედ.

გორკელი.

ზასტერის ინსტიტუტის 25 წლის იუბილეი

მიმდინარე თვეში შესრულდა 25 წელი, რაც ზარი ზში დაარსდა ზასტერის ინსტიტუტი. ეს დღე სადღესასწაუ- წაულო დღეა არამც თუ ზარიზისა და საფრანგეთისთვის, არამედ მთელი კაცობრიობისთვის. ეს მსოფლიოეულ ტურის დღესასწაულაა: იუბილეი ადამიანის სულის ძლიე- რებისა, კაცთა ცოდნის ძალისა, რომელსაც სამშობლო არა აქვს და ქვეყნის უოველ კუთხეს ერთნაირად სახატებს თავის სსავეებით.

ზასტერის ინსტიტუტს ზირველი ადგოა უჭირავს და უოველთვის ეჭირება ადამიანთა გონების კაცობრიო- ბის მსჭირებულ ავადმყოფობაზედ გამარჯვებათა ისტო- რიის მოახრობაში. გადამდები ავადმყოფობანი ძალიან დიდი ჭირი იუთ კაცობრიობისთვის და დიდი ზარადიც მოჭჭახდა, მათ წინააღმდეგ ადამიანი ისევე უღონოდ გრძობდა თავსა, როგორც ძლიერ ბუნების სასტიკმოფ- ლენათა წინაშე, ადამიანი მათ ქედს უხრიდა, ღვთის რისხვას აწერდა და მხლოდ მსხვერპლის შეწირვითა და შელოცვებით სურდა მათი ღმობიერების მოზავება.

მაგრამ აი გამოიჩინა ღუი ზასტერი და მის შემდეგ მეცნიერულად გამოიკვდიეს ამ ავადმყოფთა მიზიკებაში, გამოუნახეს ეველას წამალი და იმ გვარი საშუალებაც, რომ წინააღვე ადამიანის ორგანიზში მიუღებელი კახადონ ამა თუ იმ სენისაგან. ჩვესმაც ეხლა გავრცელებულია ანრა ევაგილის წინააღმდეგ და აი სწორედ ამ გვარივე ანრა უზოვეს ზასტერის ინსტიტუტის მეცნიერებმა ხუნაგს, ხოლერას, ზავს ჭირს, და მუცლის საოფელს. ზასტერ- მა ზირველად გამოიკვლია ცოფის წინააღმდეგეო საშუალე- ბა, და ეხლა ამ საშუალების ცოფთან საბრძოლველი ზას- ტერის ინსტიტუტები თითქმის ეველას ქადაქშია, და სწამლობენ იქ ათასობით ცოფიანი ძაღლით დაკბენილებს. თვით რუსეთში 1910 წელში ზასტერის ინსტიტუტებში აუცრიათ ცოფის წინააღმდეგ 48409 კაცისთვის.

ამ გამოკვლევის შემდეგ ზასტერს მადლობელმა საფრანგეთის ხალხმა მოკლე დროში შეუერთავს ორ-ნახე- ვარი მილიონი ფრანკი, რომ განსაკუთრებითი ინსტიტუ- ტი აუშენებინათ ზასტერისა და სხვა მის დარგში მომუ- შავე მეცნიერთათვის. ამ ინსტიტუტის ზირველი დირექ- ტორი თვით ზასტერივე იუთ. ამ ინსტიტუტში ეხლაც საუკეთესო მეცნიერები მედიცინისა მუშაობენ და იგი მოელი ქვეყნის მეცნიერულად მომუშავე ექიმთათვის იგი- ვეა, რაც ქრისტიანთათვის იერუსალიმი და მსჭმადიანთა- თვის შექა.

გახვლო 25 წელმა მისი არსებობისამ. ამ ინსტი- ტუტს თამამად შეუძლიან იამაფოს გავლილი წლებით. და ისევე იმედინად უნდა შევეკრებდეთ მის მომავალსაც! მდიდარი საშეცნიერო ძალები, მატერიალური შეძლება, ეველკის თავისუფლება, რომელიც ინსტიტუტში სუფიქს- ეველას გვეუბნება იმის, რომ შეძლებიან ის კაცობრიო- ბის საკეთილდღეოდ ბევრს რამეს გამოიკვლევენ და გა- მოაქვეყნებენ.

აქ ჩვენ მხოლოდ უნდა ვისურვოთ, რომ მისმა სსივმა ჩვენს საქართველოსაც მოაშუქოს, თორემ ჩვენში ჯერ ბევრს ისევე გადამდებ სენთა მიზიკუნად რაღაც უხი- ლავი ძალა სწამთ, და ავადმყოფობის ბატონებს მხოლოდ ულოცავს და ბაზმის უნთებს, ან მსხვერპლსა სწირავს. ზირადად მუ ამ გვარი შემთხვევა ბევრი მქონია, და ერთს დროს, როდესაც საქართველოს ერთმა სამხრო ქალაქის მმართველობამ უღათმასა და წითელასთან საბ- რძოლველად მიმწვივა, ბევრი ოჯახი მიმალავდა ამ გა- დამდებ სენით ავადმყოფებს, — „ბატონები არ გააჯავროს ექიმობითა და თავისი წამლობითა“.

მელიკი.

სრ. რუსეთის სასოფ.- სამეურნო კრება ქ. კიევში

(დასასრული)

საზოგადო აგრონომიის სექციის შემდეგ მოხსენებებში აღნიშნული იუთ არა სასურველი მოფლენა, აგრონომების სშირი გადასკვლ-გადმოსვლა ერთი ადგილი- დგან შეორეზედ, რაც ცუდ კავლენას ახდენს მათს მოქმედებაზედ. ამასთანავე გამოითქვა სურვილი, აგრო- ნომებს დაეკალოს შესწავლა და აღწერა თავისი რაიონისა და იმ ზომებისა და შედეგებისა, რომლებიც მიღებულია მათ მიერ, რაც მოქმედებას კავადვილებს შემდეგ მათს რაიონში მომუშავე აგრონომებს.

ეკონომიკის სექციაში მიწის საკუთრების მობი- ლიზაციის თაბაზზედ წაიკითხა მოხსენება ზრათე. კოსინ- სკიამ. აი მისი დედა აზრინც: წარმოებით მრეწველობაში მსხვილი მწარმოებელი უოველთვის სარგებლობს შეტი ხელ-საერელ ზარობებით, მიწათმოქმედებაში კი, ზირი- ქით, წარმოების ტუნხიავს არავითარ უზირატუნობას არ აძლევს მსხვილ მეურნიებას, სოციალურ ეკონომიურთ მდგომარეობის სარგებლობა კი მოლთანად წვრილწარმო-

ების მხარეზეა. რაში მდგომარეობს ახლა ეს სარკებ-
ლობა?

კაპიტალისტური მეურნეობა დაეუძინებულა დაქირა-
ვებულ შრომასზედ. იგი ჭეშოვს ნაშრომს მუშასა და მწარ-
მაკებელს შორის. ზარეკელს ეძლევა სამუშაო ხელფასი,
მეორეს — დამატებითი ღირებულება, რომელიც მოგება-
და და რენტად იყოფა. კაპიტალისტურმა წარმოებამ უნ
და აინახაურთს დანახარჯი, მუშას მისცეს ქირა და
თვით კაპიტალისტსაც დაუტოვოს სარკებელი.


შრომის მეურნეობაში კი გლეხი თითონ მუშაობს,
მაშასადამე იქ არ არის არც სამუშაო ქირა, არც რენტა
და მოგება. გლეხი კმაყოფილია, თუ თავის სუფთავს
იღებს. ამიტომ იგი კმაყოფილდება ცოტას, ამიტომ იგი
ასე ეწევა მიწისკენ და სცდილობს მისს შექნას. ის
სწევს მიწის ფასს მაღლა, და ამით მის შემოსავლიანო-
ბას ამცირებს, რაც კაპიტალისტსათვის სართა არ არის.

კრების სხვა წევრები არ დაკანხმნენ შრომე. კო-
სინსკის. ისინი ზირიქით ამტკაცებდნენ, რომ მსხვალ
მეურნეობას შეტი შემოსავალი აქვს, ვინემ წვრილს.
სექციამ დაადგინა საზოგადო კრებას წარუდგინონ შემდე-
გი ტეზისები:

1. შრომის მეურნეობა წარმოების უფრო ცოცხა-
ლი სხეა და იგი სულ ფართოვდება.
2. პროლეტარიატი სოფელში არ არსებობს.
3. აკონომიული დახმარება მიმართული უნდა იყოს
შრომის მეურნეობის გაუმჯობესობისკენ და შეკლადეს
უფლები ზომის მეურნეობას, მათში ძალიან წვრილ მე-
ურნეობასაც.

ეკელა სექციების საერთო კრებებზედ წააკითხეს
რამდენიმე მოხსენება, რომლებიც შეეხთ ხორცის სიძ-
ვირეს, სავაჭრო ხელ შეკრულობას. უკახსენელს თემა-
ზედ ორმა წააკითხა მოხსენება — შრომე. ასისნობდესკიმ
და შრომე. სობდელეკმა. ზარეკელი იცავდა ვაჭარ — მრეწ-
ველთა ინტერესებს, მეორე კი ამ ხელშეკრულობას არხ-
კვდა აკრარულ ინტერესების მხრივ.

გ. ნამორადე.



განსვენებული

...ამ ოცდაათიოდე წლის წინად განსვენებულ
ნიკოლოზ ლოლობერიძესთან მქონდა ლაპარაკი
ქართველების ბედოვლაობაზე ბორჩალოს მაზრაში
და ზემო ქართლში. შევიხოვდი, თუ რა უბედურე-
ბას მოასწავებდა ჩვენთვის სამშობლოს ტერიტო-

რიის გაყიდვა, მშრომელი ხალხის გაბოგანობა,
ლარიბებისათვის ლუკმა პურის გაწყვეტა...

— დიდი ხანია უნდა გეცოდნოდა, მომიგონან,
რომ აღმოსავლეთს საქართველოში ჩვენ ეს დღე
დაგვადგებოდა... ხელს არ ვანძრევთ და თავისათ-
ვის არ ვზრუნავთ, მაშ რა სიკეთე დაგვეყრება? ნე-
ტავი შავი ზღვის პირად არ აგვიკვეთდნენ ფებს და
იქიდან არ აგვიყრიდნენ, შენის კარგად ყოფნით,
თორემ...

მე ისე მეოცა ეს მისი შიში, რომ სიტყვა გა-
ვაწყვეტინე და შევეკითხე თუ შავი ზღვის პირად
რა შიში უნდა გექონოდა, როცა იქ მქიდრო მოსახ-
ლეობა გექონდა და წმიდა წყლის ქართველობა,
კიზილბაშებთან და სხვებთან აურეველი, დიდ მომა-
ვალს გვიქადა...

ღმერთსაც ექნას, მაგრამ ეშინია ჩვენი უსაქ-
მო ყოყონობის და სულმოკლეობის და მ ა თ ი
შეუფუნებელი ხებრეობის და ძალ-მომრეობის.

— რას ამბობთ, ეს და ეს კაცი, ესა და ეს
თემი როგორ მისცემენ ვინმეს ნებას ქვეყნის აკლე-
ბისას — მეთქი.

ნიკ. ლოლობერიძემ ირონიულად მომიგო:
— არა მწამს სიბრძნე გლახაკთა! ასე უთქვამს
სოლომონ ბრძენს.

მე გამეცინა.
მაშინ ნიკ. ლოლობერიძის პესიმიზმს დავცინო-
დი მეგონა, და ახლა ვხედავ და ვგრძნობ, რომ
თურმე დავცინოდი ჩვენს მაშინდელს მომავალს, ე.
ი. აწინდელ დროს, ჩვენთვის საუბედუროს და მი-
წათსან გამსწორებელს.

„კლდის“ ამ წლის... №-ში დაბეჭდილი იყო
ჩემგან ნათარგმნი „მმართველობის მოამბის“ წერი-
ლი იმის თაობაზე, თუ როგორ გვიპირებენ ჩვენ,
ე. ი. აბხაზებს, მეგრელებს, გურულებს, ქობულე-
ლებს და აქარლებს შავი ზღვის პირიდან აყ-
რას.

ჩვენ უნდა აგვიყარონ და ჩვენს ნასისხლარსა
და ნაოფლარზე სხვა ხალხი უნდა დაასახლონ.

ამას კი აღარ მალენ. ამას მოქმედებენ დლი-
სით მზისით, საქვეყნოდ. ამას თავიანთ დამლას აკ-
ვრენ სახელმწიფო საბჭო და სახელმწიფოვე სათათ.
სადაც სხედან ჩვენი კაცებიც, რომელთაგან ზოგი
ცაში ვარსკვლავებს ზომავს, და ზოგი, ნაცარქეჩი-
ასავით, რომელიც პატარა დოქს ვერ ერეოდა მო-
სატანად, და დევების შესაშინებლად დიდ, ჩაკი-
რულ ქურს ეპოტინებოდა ამოსაღებად, — მაღალ
ფარდებზე მჭევრად ლაყობდნენ, იმის მაგიერ, რომ

რეალურ საჭიროებებზე შეგნებით გულახდილად და მხნედ ილაპარაკონ...

წაიკითხეთ „კლდის“ ნაჩვენებს № 2-ში მოთავესებული სტატია, რომელზედაც ზემორე მოგახსენეთ.

წაიკითხეთ და დამეთანხმებით, რომ ვიღუპებით ნამდვილად, საუკუნოდ, ძირიან-ფესვიანად; ვიღუპებით თვითთელი ჩვენგანი კერძოდ, და საერთოდ ყველანი, როგორც ერთი.

ამ თორმეტი წლის წინაღუ გაქრა საქართველო პოლიტიკურად, დღეს ვისპობით ეთნოგრაფიულად, ვიღუპებით ფიზიკურად, როგორც გურიის იტყვიან „ანაგებად ვიღუპებით“ ..

ჯერ წყლის ხმარება აგვიკრძალეს აღმოსავლეთს საქართველოში მიწის მოსარწყავად, სადაც მიწა ურწყავად მოუსავლიანია. ახლა მიწას გვაცლიან ფეხქვეშიდან დასავლეთს საქართველოში, სადაც მიწას რწყვა არ უნდა...

მერე რას ვსაქმობთ ამ დაღუპვის თავიდან ასაცდენად?

— არაფერს!

— მიზეზი?

„ჩვენი უსაქმო ყოყობა და სულმოკლეობა!“ ნიკ. ლოლობერიძის თქმისა არ იყოს.

— მერე ჩვენი დებულებები, ჩვენი პარტიები, ის ჩვენი გულის კუნძულები?

— „არა მწამს სიბრძნე გლახაკთა!“ უთქვამს სოლომონ ბრძენს...

მაგმაძე.

12/XI 1913.

მ ა ც ი ვ ა რ ი

როგორ უნდა ითქვას ქართულად სიტყვა „ХОЛОДИЛЬНЫЙ“? ბატონი ი.სე რაქველის აზრით („თემი“ № 145) — „საცივე“; ბ. ა. ჭუმბაძე ბრძანებს („სახალხო გაზეთი“ № 1217) „ცივადიო.“ მე ვგონებ, ამ ორ სიტყვაში არც ერთი არ არის გამოსადეგი, ვინაიდან ვერც ერთი და ვერც მეორე ვერ ასრულებს სიტყვის უთავრეს დანიშნულებას: სისწორით არა ჰხატავს ცნების დედა აზრს. მართლაც, რას ნიშნავს „ХОЛОДИЛЬНЫЙ“? იმ გვარ მოწყობილობას, რომელიც ყოველ საგანს, ამ მოწყობილობაში მოქცეულს, ცივად აჭმნის. თი-

თონ ეს მოწყობილობა ცივია თუ ცხელი — საკითხს არ შეადგენს. საგულისხმო აქ მხოლოდ ის არის, რომ „ХОЛОДИЛЬНЫЙ“ სხვა საგნის გამაცივებელია.

ხოლო რას ნიშნავს „საცივე“? თუ მაინცა და მაინც შესაწყნარებლად ვცანით ამ სიტყვის უცნაური ნაშენობა, სხვა აზრი ძნელია მივაკუთვნოთ, გარდა ს-ცივის ალაგისა. სხვა, ამავე გვარად ნაშენი სიტყვების აზრი ყველასათვის ცხადია: სასაპონე, საღვინე. სარძევე, სასიმინდე, სათივე, საღორე, საფუტრე და სხვ. მაშასადამე, სიტყვა „საცივე“, სწორედაც რომ იყოს ნაშენი, მხოლოდ სიცივის ალაგს აღნიშნავდა და არა იმას, რომ ეს ალაგი სხვა საგნის გამაცივარია.

ცივადი? რას ნიშნავს ეს სიტყვა? მსგავსად ნაშენი სიტყვები - ხმიადი, ფერადი, მწვადი, პურადი, ცვალებადი - რას ნიშნავენ? იმას, რომ საგანი თითონ განიცდის იმ მდგომარეობას, რომელიც გამოიხატება სიტყვის დედა აზრში, ესე იგი ამ სიტყვებით გამონახატი აზრი ზედ საგანზედვე ტრიალებს, სხვაზე არ გადადის. ხმიადი თითონ არის გამხმარი, სხვას როდი ახმობს; აგრეთვე მწვადი და სხვ.

მაშ არც ეს სიტყვა ვარგა.

ჩემის აზრით, ქართულ ენაში არსებობს მშვენიერი სიტყვა, საჭირო აზრის სავსებით გამომსახველი, ამასთან ლამაზად ნაშენი და კეთილხმოვანი. ეს სიტყვა არის „მაცივარი“. ამ სიტყვის თანამსგავსნი არიან: მაცხოვარი, მაწოვარი, მატყუარი, მაწყინარი, მანუგეზარი და მრავალი სხვა. ამ რიგად, ХОЛОДИЛЬНЫЙ — вагонъ, поѣздъ, Комитетъ, сѣздъ უნდა ითქვას: მაცივარი ვაგონი, სამაცივრო მატარებელი, მაცივრის ანუ სამაცივრო კომიტეტი, სამაცივრო კრება, სამაცივრო ლიტერატურა და სხვ. *)

დ. ამიერი.

*) ჩვენი რედაქცია სრულიად ეთანხმება ამ მოსაზრებას ბატონ ამიერისას და სხვათაგანად სიტყვა „მაცივარი“ ექნება.

რედ.

შეცდომა თუ კლავიატი?

ჟურნალ განათლებაში, დასტამბულია:

მოტივები ფრიდრიხ ნიცშეს კულტურულ-
პედაგოგიურ აზრებიდან

Nur zum Schaffen
sollt ihr lernen.
Zarathustra.

ისქენის დრამის გმირი ჰერ გუნტი ჯადად გატარებულ ცხოვრების შემდეგ უკვე ღრმად მოხუცებულია, სახლში ბრუნდება. გატარებული ეკოისტურ ლტოლვილებით ბედნიერებისადმი, მხრუნავი მხოლოდ და მხოლოდ თავის საკუთარ „მე“-სე, კმაყოფილი თავისი თავის, ის არასოდეს არ მიდიოდა იმ გზით, რომელიც მისი აზრის, მისი დანიშნულების განხორციელებამდის და საკუთარ „ცხოვრების სამართლებდის“ მიიუფანდა. უხვად დაჯილდოებული ბუნებისგან, „ღვთიური მადლით ცხებუდი“, მაგრამ უხსნათო, სუსტი ნების პატრონი, მშაშრად, მხოლოდ იმიტომ სცხივრობდა, რომ თავისი ურთივნი სურვილი, ვნებათა ღელვა, მისწრაფება, თავისი ლტოლვილება, განხრახვა, მოთხოვნილებანი და კემაყოფილებინა.

მისგან აწმეოს შვილი, რომლისაკენაც ასე მისწრაფოდა ჩემი გული. მიუფარს სამშობლო ჩემი შვილებისა, სამშობლო ჯერედ უცნობი, შორეულ ზღვაში გადაშლილი. იქითკენ მივაფრთხილებ ჩემს იაღქნებს, მას ვეკებ, მისკენ მივასწრაფი. მომავლით მინდა აწმეოს გამოსეიღვა“.

ბ. ბ — ძე.

ჟურნალი „განათლება“ № VII 1913 წ.

ჟურნალ „Вестникъ воспитанія“-ში კიდევ დაბეჭდილია:

Мотивы изъ культурно-педагогическихъ воззрѣній Фридриха Ницше.

Nur zum Schaffen
sollt ihr lernen.
Zarathustra.

Нееръ Гюнтъ, герой драмы Ибсена, послѣ безпутно прожитой жизни, возвращается домой въ глубокой старости. Въ эгоистической погонѣ за счастьемъ, думая всегда лишь

о благополучіи своего дорогого я, вѣчно довольный собою, онъ никогда не шель тѣмъ путемъ, который велъ бы къ осуществленію его призванія, назначенія, «справды его жизни». Богато одаренный природою, съ «печатью Божьей на челѣ», но безхарактерный, съ дряблою волею.

„Такъ осталось мнѣ любить лишь *страну дитей моихъ*, неоткрытую, въ дальнемъ морѣ; къ ней направляю я мои паруса, ее ищю и ищю безъ конца.

„Моими дѣтьми хочу я загладить, что я — дитя моихъ отцовъ; всѣмъ будущимъ испущю я *эту современность*“.

Александръ Дауге.

Вѣстникъ воспитанія № III 1910 г.

ჩვენ მოგვყავს აქ როგორც ქართულის, ისე რუსული წერილის დასაწყისი და დასასრული იმის დასამტკიცებლად, რომ მთელი წერილი სრული თარგმანია ერთი მეორისა. ეხლა არ ვიცით, ქართულიდან რუსულად თუ თარგმნიათ, თუ ქართულია რუსულის ცული თარგმანი! კარგი იქნება ბ. „განათლების“ რედაქტორმაც გამოიკვლიოს ესა.

ნარგიზი.

ნ ა რ ე ვ ი

ცოლუბის გაზიცვა. ინგლისელი სუფრაჟისტები, რომლებმაც ქალთა საკითხის გამო ფოსტის ყუთებსა სწვავენ და თვით მინისტრსაც კი სცემეს, თურმე ეხლა ამერიკაში გადავიდნენ და ცოლუბის გაზიცვასა ქადაგობენ. წარმოიდგინეთ ეხლა თქვენ ამისთანა სურათი:

დაკეტილ კარებთან მიდი-მოდის ქმარი და აი ძლივას გაბედა დაეკაკუნებინა იგი.

— თამაროჩკა, გამიღეთ ..

ხმას არავინა სცემს.

— ჩემო ცუგრუმელა!

თამარა კი ამ დროს პიანინას უკრავს ან გიტარაზედ დამღერის:

— „ბულბულს ენა, ვარდთ სინაზე
„მოვტაცე და მოვთავაზე“ ..

— კარგი, თამარიკოშკა, გამიღე, რა არის!

— მერე, უფლებები მოიტანე? აბა მიჩვენე!

— უფლებები?.. მგონი და... და... დამეკარგა!

— აა! დაკარგე!..

— „ბულბულს ენა, ვარდთ სინაზე!..“

დაღვრემილი ქმარი დიდხანს უცქერის კიდევ კარების სახელურს...

ღმერთმა ნუ ქნას, ჩვენშიაც ასე წინ წავიდეს ქალები „განათლება“!

ქალთა სამეფო. ეხლახან ნორვეგიის პარლამენტმა მიიღო არჩევნების ახალი კანონი, რომელიც ამოავლევს არჩევნებში მონაწილე ქალებს 225 ათასით. ამ გვარად ეხლა არჩევნებში მონაწილეობას მიიღებს 522 ათასი ქალი, ე. ი. 25 ათასით მეტი კაც-ამომრჩეველებზედ ქალებს ნორვეგიაში ეხლა მეტი ხმა აქვთ და ამით თავისი ქვეყნის ბელი მათ უტორობენ ხელში. მაგრამ ისინი ამით არ სარგებლობენ და ჯერ მათ პარლამენტში არ არის არჩეული არც ერთი დეპუტატი—ქალი. ნორვეგიის ქალი ზომიერი და მშვიდობის მოყვარეა.

საყურადღებოა სუფრაჟისტებისთვის!

ამერიკული წოდებლობა. იყო დრო, როცა ამერიკელებზედ ამბობდნენ, ქულები კეფაზედ დალურსმული აქვთო, რადგანაც ისინი ჩვეულებრივ ქუდს არავის უხდინდნენ. ეხლა ისინი მეორე უკიდურესობამდის მივიდნენ. ამერიკელებს ხომ სანახევროდ არაფერი უყვართ, და აი თურმე შესდგა ამერიკელების კორპორაცია, რომლებიც ქადაგობენ, არამც თუ ნაცნობებს, დიდი და გამოჩენილი ხალხის ძეგლებსაც კი უხადონ ქუდი და თავი უკრან.

ღმერთმანი, მშვენიერი აზრია! ნეტა ჩვენშიაც შემო-

იღონ ეგ: იქნებ მაშინ მაინც ისწავლონ გამოჩენილ მამულიშვილთა პატივისცემა და თავყვანისკეპა.

ერთ შაურად მთელი სიმდიდრე. ნამდვილი ამბავია. თურმე ლონდონში ერთმა ინგლისელმა მდიდარმა ფრანკ პენფილდმა, რომ დაემტკიცებინა თავისი ნაცნობებისთვის, თუ რა ძნელია ქუჩაში ხელზედ მოვაჭრობა, გადაიცვა გლახის ძონძები, აილო რამდენიმე ბლუჯა ათ-ათ თუმნანებისა, გავიდა ქუჩაში, და გამველ-გამომველს აღირებდა თითო ბლუჯას ერთ შაურად.—ნამდვილი ათ-თუმნანები თითო შაურად! აბ, გაიფადა! იყიდეთ! სიმდიდრე შაურად!—ვიროდა თურმე მთელი დღე ფრანკი პენფილდი.

მაგრამ მთელი დღე დაღამდა, და შაური არავინ გაიმეტა, რომ მთელი სიმდიდრე მიეღო. გამველი შეხედავდა ხოლმე ამ „სულელს“ და მიდიოდა თავის გზაზედ.

ასე ძნელი ყოფილა ქუჩაში ვაჭრობა.

რედაქტორ-გამომცემელი

რ. გაბაშვილი.

1894 წლიდან

1913 წლამდის

ს ა უ კ ე თ ე ს ო დ ვ ი ნ ო დ ი თ ვ ლ ე ბ ა დ ვ ი ნ ო

საზოგადოება „კ ა ხ ე თ ი“-სა

ბელეფონი:
№ 73 და 3—51.

თბილისი: გოგოლის ქუჩა 63
და ერევნის მოედანი.

განყოფილებანი: ბაქოში, ასხაბადში, ტაშკენტში, მოსკოვში, ბათოში, რასტოვში და სხ.